



UNIVERSITÄTS-
BIBLIOTHEK
PADERBORN

Das Märterbuch

Gierach, Erich

Berlin, 1928

103. (31. Dez.) Silvester

[urn:nbn:de:hbz:466:1-66991](https://nbn-resolving.org/urn:nbn:de:hbz:466:1-66991)

- damit du mich nicht hast gewert,
ich west nicht daz du ez wër:
[259^{va}] Thomas der seldombër,
27945 der in meinem haws was.
ich pitt dich erst, Thomas,
daz du des helfest mir
daz mein sel *chum* zü dir.
daz ist die pet die ich wil.
27950 der purger andem czill
viel auf das grab nider
und was siech worden wider
geleicher weis als er ee dar
cham.
sand Thomas sein sel nam:
27955 so er denn pürger gewert
seiner gepet der er gert.
Auch cham ein ander mann
dar,
- den het ein man offenbar
erwischet pey seinem weibe.
27960 er sneid im ab denn leibe
so daz er sich ann im rach;
die augen er im aus prach.
der cham laidiger gar
auf sein grab dar.
27965 und do daz geschach,
der plind wider gesach
und hat auch jens wider,
daz im was vil nütz sider.
Ander zaichen uberall
27970 begie er ane czall.
nün auch er uns helfe dar
da er inder engel schar
sich frewet ewichleich;
wann er ist hilfreich. Amenn.

[260^{ra}]

103. Von sand Silvestro.

- 27975 Als ichs andenn püchen las,
do sand Silvester was
dannoch ein chindelin,
do gab man zü pehalten in
dem priester Cyrino.
27980 der lert in also
so daz er vil tugent wielt
und auch Gottes gepot pehielt,
und alle tugent wurden an im.
zü den pesten ich in nim
27985 die Gottes huld verdienet haben
mit irem leben, mit iren tagenn.
die geschrift sagt auch uns für
war
daz er wër so schöne gar,
daz er engels antlicz hiet:
27990 solcher schon Silvester wielt.
- do sein chindhait ende nam
und er zü seinenn jarnn cham,
do wart er gar erbër
und sein leben lobe wër,
27995 so daz er vil milte phlag:
denn armenn er von nötten wag.
Und do er lebt nach Got
alsus,
do cham dar Thymotheus,
der auch allenthalben lert
28000 und auch denn glauben mert.
der cham auch zü im hie.
Silvester in schon enphie
[260^{rb}] und gab im mit willen gar
des er bedorft zü leipnar.
28005 do cham ez darnach pey den
tagen

27948. *chum* fehlt C.
27960. *denn* = dem.
27971. *helfn* C.

103. Nur in C.
27987. Diee C.

- das Thymotheus wart erslagen.
 und do er volendet het,
 Tarquinius ander stet
 sant zü Silvester hin,
 28010 ob er pey lebenn wolt sin,
 daz er Thymothei güt
 im geb pey gükten müt;
 daz gehort in zü recht ann,
 seit er wer ein pöser mann:
 28015 davon von aller slichte
 gehort sein güt in sein ge-
 richte.
 doch wart im daz chünd
 getann,
 er wër gewesen ein arm mann.
 Und do er daz recht ervant,
 28020 er sprach zü Silvester alcze-
 hant,
 daz er opphern solde
 dem abgot oder er dolde
 von recht unczelleichen pein;
 und wolt er ein haiden sein,
 28025 er wolt im fuegen güt und er
 und auch dienenn ymmer mer.
 do sprach Silvester zehant:
 'dir sey vonn mir erchant,
 ich acht deines güttes nicht,
 28030 wann Got ist mein zuversicht.
 daz sag ich dir, richter, daz
 du hast verdient Gottes haz,
 [260^{va}] und pey der nacht heint
 chümpft der tiefel dein veint,
 28035 der dein sel fürt hin.
 deins lebens schol end sin.
 doch inder helle vindest daz
 daz Jesus Christ ist nicht laz
 gein Thymotheo dem rainen
 man,
- 28040 und im unrecht hast getann.'
 und do er dem richter daz
 gesait,
 ineinenn charcher man in lait.
 do wart umb in grozze chlag.
 Darnach andem selben tag
 28045 Got Silvesters nicht vergas.
 wann do der richter az,
 bestekchet im eins visches grat
 inder drozz. ander stat
 der tod nahen im begünde
 28050 und jemerleich ander stünde
 Tarquinius der gotte gram
 alda von dem leben cham.
 und do er do volendet het,
 die christen chomenn ander
 stet
 28055 und prachen auf den charcher;
 und Silvester der gewër
 wart alda ledig lann.
 des frewt sich manig christen
 man.
 Und *do* Silvester ledig wart,
 28060 alrerst er sich mit fleizze chart
 wie er dienenn wolde Got;
 wann er nach der schrift gepot
 wolt nicht enpernn des.
 [260^{vb}] in weicht der pischof
 Melchiades
 28065 zü einem rainenn priester do:
 des was er in Gotte fro.
 er dint Got wol, wan er was
 rain;
 sein andacht was gen Got nicht
 chlain,
 und was do all der welt wert,
 28070 wan man sein zesehen gert.
 wann so rain, so schon was er

28013. in = im.
 28021. wolde C.
 28039. Thymothee C.

28059. do fehlt C.
 28070. sein steht über gestrichenem sey.

- daz sein Got auf erd het er:
 aller tugent er phlag.
 und do Melchiades tod gelag,
 28075 do wart er zü pabst erwelt;
 an seinenn dankch doch geselt
 wart es im *und* enpholhen do.
 sein wart die christenhait fro,
 wann zü seiner heilichait
 28080 het er vil beschaydenhait.
 Aber do pey seiner czeit
 trügen die haiden grozzen neit
 denn säligen christenn,
 die sich nür mit listenn
 28085 müsten hütten vor denn haiden.
 von denn grozzen laiden
 hüb sich Silvester dann
 und mit im manig christen man
 zü dem perg Serapionn.
 28090 da dienten sy daz gottes lonn
 die weil sy liten solchen neit.
 Do was ander selben zeit
 ze Rom chaiser Constantin.
 [261^{ra}] nün het grozzer siechtum in
 28095 bestandenn, wann er auzseczig
 was.
 vonn seiner erzney ich las,
 daz im die maister ander stünt
 rieten, und wolt er gesünt
 werden, daz er tauffte sich
 28100 in chindes plüt *stetichleich*,
 die sich nie *bewollen* habenn
mit weiben noch pey iren
 tagen.
 der chaiser nach der maister
 rat
 sant hin ander stat
- 28105 und hiez im palde pringen
 viertawsent chind gewinnenn
 mit pet oder mit nötten:
 die scholt *man* alle tötten,
 daz der selben chinde plüt
 28110 für die auzseczichait wer güt.
 manigem weib *man* ir chind
 nam;
 do chomen viertausent chind
 zesam.
 Darnach andenn zeitten
 der chaiser wolt reitten
 28115 und wolt sich paden indem
 plüt.
 die weib in laidigem müt
 den ir chindel warnn genomenn,
 die warnn nün zü dem chaiser
 chomen
 mit aufgeläuchtem hare
 28120 und umb die prüst ploz gar
 und schriern jemerleich.
 also rueffünd ir yesleich
 lieffen sy dem chaiser nach.
 do der chaiser denn jamer sach,
 [261^{rb}] wainenn er ser begünde
 28126 und sprach ander stünde:
 'mür ist pezzer sterben tot
 und auch leiden dis not
 die mür zü leiden ist gegebenn,
 28130 dann ich so manigem chind
 sein leben
 durch meinen gesünt nēme.
 von recht mür daz nicht *czeme*:
 als ich mag, so wil ich lebenn.'
 er hiez die chind wider gebenn
 28135 iren müttern ander selben czeit

28072. er *d. i.* ère.
 28077. und *fehlt C.*
 28098. wol *C.*
 28100. *Stetichtichleich C.*
 28101. *vmbwolln C.*
 28102. Noch *C.*

28108. man *fehlt C.*
 28109. *chindn C.*
 28111. man *fehlt C.*
 28112. Doch *C.*
 28128. *disn C.*
 28130. Damit *C.*

- und gab ir yesleich damit
grozz güt für ir chlag.
Darnach nach der puech
sag
des nachtes erschain Con-
stantino
28140 Petrus und Paulus, die sprachen
do:
‘du scholt wizen, Constantin,
seit dir geraten hat dein sin
daz du hast erparmt dich
uber die chind, davonn sich
28145 Got uber dich erparmen wil;
wann seiner güt der ist so vil:
der ist auch gen dir nicht las.
du scholt aber wizen das,
du müst hie auf der erdem,
28150 wiltu gesünt werdenn,
in Got dich tauffen lann:
so wirstu gesünt sann
pede an sel und ann leibe.
davonn nicht peleibe,
28155 du sende nach Silvestro
[261^{va}] und tauffe dich und pis fro!’
Do der chaiser daz erchant,
des morgens zehant
sant er nach Silvestro dann.
28160 für in cham der rain mann.
den enphie er willichleich,
und wie er sichtichleich
die heiligen mann hiet gesehen,
des begünd er da verjehenn.
28165 Constantin in Gotte palt
sait im gar ir gestalt,
wie sand Peter grab wër,
und sand Paul säldenbër
der wër jünger und chal;
28170 ir rede sait er im uberall.
do sant Silvester daz erhört,
er sterkchet in mit dem gottes
wort,
so daz er glaubig wart
und nach Got sich do chart:
28175 wann Constantinus hie
mit willen sich tauffen lie.
auch inder tauff ander stünt
wart er frisch und wol gesünt.
Und do er des wart inne,
28180 er gewann zü Got geminne;
des die christen frewten sich.
er stalt nach Got daz chunig-
reich,
wann er nach der püch sage
schuef andem ersten tage
28185 daz man Jesum hiet für got;
pey dem leben er daz gepot.
[261^{vb}] des andern tages gab er die ee,
wër des würd geczigten me
daz er in hon chust spottet
Crist,
28190 daz mann den töttet ander
frist.
andem dritten tag darna
gepot er in aber alda,
wër einem christen tet lait,
daz sein gericht des wër
perait;
28195 man nëm dem selben alle sin
hab
und des nicht gestünd ab.
andem virden tag gepot er,
daz die welt ymmer mer
dem pabst wernn gehorsam.
28200 do der fünft tag cham,
er leit die chirchen in denn
pann,
so daz er scholte fride hann,
waz er halt hab getann:

28167. grab *d. i.* grâ(w).28179. inne *vor* wart gestrichen C.

28191. darnach C.

- mit aller lieb chraft
und hiez im sagen also:
si wër des vonn herczen fro
28275 daz er hiet die abgot lann;
er hiet aber missetann
daz er glaübt an Jesum,
der glaub wër nicht früm;
er scholt sein nicht enruechen,
[262^{ea}] er scholt volgen denn juden
püchen.
28281 do daz vernam Constantin,
der mütter red und iren sin,
er enpot palde wider ir:
'liebe mütter, pring zü mir
28285 die pesten von denn juden
püchen,
so wil ich aus denn christen
süchen
die paz gelertisten besünder:
welich danne daründer
die andern treibent mit rede
hin,
28290 nach denn schullen wir unser
sin
wenden, liebe mütter mein.
das lazz mit deinenn hulden
sein!
Do Helena daz erhört,
si fuer gen Rom andem wort
28295 und fürt mit ir zwelif judisch
man;
den was die gschrift gar
undertann.
nün warnn auch chomen zesam
mit Silvestro dem gotte czam
fünf und sibenczik pischof dar
28300 und zwainczik und hündert
priester gar,
die die Juden wolten
wider treiben, als sy scholten,
und schermenn unser ee.
da wart gepiten nime,
28305 gen ein ander sy chamenn.
doch sy ee namenn
zwen maister pedenthalbër,
die warnn getrew und gewer:
die scholten da richter sin
28310 mit dem chaiser Constantin.
[262^{eb}] der ain hiez Cratonn,
der ander hiez Zenonn.
Darnach ander stünde
Silvester reden begünde
28315 gen den zwelf maistern da.
unlanch was ez darna
uncz er die aindlef uberret,
die alle geswigen ander stet.
der zwelft erst reden begann,
28320 dem was vil chünst undertann,
Zambri was er genant.
inczornn sprach er zehant:
'ich wil nicht mit rede mich
beheften mit im, wann sichtlich-
leich
28325 schullen uns unser haidenn
unsrer werch mit chünst be-
schayden.
davon, reicher chaiser her,
einenn stier haiz pringen her!
ich laz dich sehen Gottes günst
28330 und darczü mein chünst
*
und mein grozze maisterschaft.'

28277. J vor an gestr. C.
28287.88 umgestellt in C.
28291. mein C.
28304. nimer C.
28312. Zenophilus Leg. aur.

28325. vii nach vns gestr. C. haidenn
d. i. Craton und Zenon.
28329. laz laz C.
28331 fehlt C; Versausgang wohl Gottes
chraft.

- nach einem stier wart gegacht,
 der wart nün hin für pracht.
 28335 und do der stier stünd davor,
 Zambri rawnt im in sein or
 von zaubern als er wol chünde,
 daz der stier ander stünde
 viel alda tod nider.
 28340 daz Silvester *nicht* dawider
 chünde getün, daz was ir
 wann.
 der Juden schar grozz frewd
 gewann
 und die christen betaubt gar.
 [263^{ra}] Des nam Silvester war,
 28345 der sprach do aus freyem müt:
 'ob ir das nicht wider tüt,
 daz ir nicht macht lembtig
 wider
 den stier, den ir habt gevellet
 nider,
 so acht ich ewer chünst nicht.
 28350 zü viech gehort die geschicht.
 und wirt wider lembtig der
 stier,
 so wil ich mer glauben dir.'
 do Silvester daz geret,
 Zambri wart zornig ander stet,
 28355 wann sein chünst darczü nicht
 tocht
 und sein macht auch nicht
 mocht.
 Und do er des nicht en-
 chünde,
 Silvester gie hin ander stünde
 zü dem stier der davor
 28360 tot lag, und in sein or
 rawnt er im und sprach
- und da pey genn himel sach:
 'in Jesu namenn gepeüt ich
 dir,
 daz du seist gehorsam mir
 28365 und du auf stest lembtig hie,
 daz es sehen dis und die,
 daz Got gewaltig sey,
 und auch erchennen da pey
 daz werleich Jesus Christ
 28370 inder warnn gothait ist.'
 Da Silvester daz geret,
 der stier erstünd ander stet
 und gie zü seiner chrippen
 wider.
 der chaiser und sein mütter
 nider
 [263^{rb}] vielen zefuezz Silvestro
 28376 und gerten antlaz an in do;
 und wart gelaubig da
 die chunigin Helena
 und taufften sich mit ir für
 war
 28380 davonn aus der Judenn schar
 ander czall dreytausent mann,
 die Got do würden undertann.
 Auch ein trakch pey Rom
 lag,
 der die lewt czü tötten phlag,
 28385 und het des so vil getann
 daz daz lant was nahen zer-
 gann
 und was nahen öde gar;
 daz lant was nahen lewte par.
 umb disenn schadenn grözzlich
 28390 die herren bedachten sich
 und gingen zü Silvestro
 und sprachen zü im so:

28337. es C.

28340. hiet C.

28341. getüm C.

28342. *Ergänze* wären.28348. d⁵ in C.

28350. „Auch das Tier kann töten.“

28356. mocht C.

28368. erchenne C.

- 'ist ez war was du uns saist
und daz pey dir ist Gottes
gaist,
28395 so lös uns vonn denn trakchen
do,
der da lait in Tarpeyo
und hat uns pey manigen tagen
dem lande getann grozzen
schaden.
geschicht daz vonn deinem
gepot,
28400 wir wellen glauben deinen Got.'
do daz mit im was gerett,
er gepot ein vasten ander stet
die scholte wernn drey tag,
und haben sünden chlag.
28405 Do die vaste ende nam,
[263^{va}] sant Peter zü Silvestro cham.
er sprach: 'Silvester, volg mir!
nim dein prüder zü dir
und gee czü dem trakchen
morgen
28410 und hab chain sorgenn!
und wenn du chömt zü der
clausen dar,
so vindestü *ein* ring für war
geprueft wol in die stain want.
dar durch zeuch dis chetten
zehant
28415 und sprich: "ez wil Petrus
daz die chlaus sey alsus
beslozzen, daz da her für
der trakch mër chom für di
tür."
do sand Peter daz sprach
28420 Silvester sein nimer sach.
- doch Silvester andem morgen
gie hin gar ane sorgenn,
und als sand Peter hette
gesaitt,
des was er zü tün perait.
28425 also der trakch wart verspart.
do man des gewar wart,
sich taufften lewt ein michel
tail
und wuchs davonn der sell hail.
Sus mit ler her und dar
28430 was Got Silvester nütze gar.
denn glauben er weiten lert
und denn christentum wol mert,
daz er Got lieb ist.
das auch wir inder frist
28435 verdienenn, daz auch wir dahin
[263^{vb}] chomenn da er wil sin
mit frewden vor Got ymmer,
da sein frewd zergat auch
nimmer,
das wir chomen auch dar
28440 zü der rainenn engel schar,
des helf uns Silvester durch
sein er
und send uns sein hilf her,
daz wir überwindenn
all unser not und vinden
28445 genad der wir dürftig sein!
und so die sell schol schaiden
hin,
daz sy mit frewden chomen dar
indie himelischen schar,
des gunn uns Jesus Christ,
28450 der aller ding scheppher ist!
Amenn.

28393. Ez ist C.
28394. gotte C.
28395. denn = dem.
28409. trakchm C.
28412. ein fehlt C.

Nach 28450 in C noch (rot):
Der martr^s püch hat ein ende
Got vns sein hilf sende
Im Index von C noch: Von Sand Georio.